

BESTELAKO XEDAPENAK

HEZKUNTZA SAILA

1839

AGINDUA, 2022ko apirilaren 13koa, Hezkuntzako sailburuarena, Euskal Autonomia Erkidegoko lanbide-heziketako irakaskuntzak ematen dituzten itunpeko ikastetxe pribatuei dei egiten diena dirulaguntza eska dezaten 2022-2023 ikasturtean heziketa-zikloak eskaintza partzialeko modalitatean emateko.

Otsailaren 26ko 32/2008 Dekretuak (2008-03-05eko EHAA) –14/2016 Dekretuak aldatua (2016-02-10)– Hezkuntza Sistemako Lanbide Heziketaren antolamendu orokorra ezartzen du. Dekretu horren 8. artikulua araber, behar bezala baimendutako ikastetxeek heziketa-zikloak modu partzialean eskaini ahalko dituzte pertsona helduentzat bakarrik. Eskaintza horretan, heziketa-zikloaren lanbide-modulu guztiak eskaini ahal izango dira eta ikasleek lanbide-moduluka egin ahalko dute matrikula, aipaturiko dekretuaren 29. artikuluan adierazten den bezala.

Halaber, Lanbide Heziketako heziketa-zikloak eskaintza partzialeko modalitatean ematea arautzen duen 2010eko martxoaren 22ko Aginduaren (2010-04-12ko EHAA) 7. artikulua araber, Hezkuntza, Unibertsitate eta Ikerketa Sailak eskaintza hau egiteko egoki deritzon beste deialdi egin ahal izango du, eta ikasturteko gutxienez deialdi bat egin beharko du. Ikastetxe pribatuetarako deialdien kasuan, eskolak emateko baldintzez gain, behar den finantzaketa lortzeko baldintzak ere arautuko dira.

Hori dela eta, agindu honen bidez, alde batetik itunpeko ikastetxe pribatuei 2022-2023ko ikasturtean Lanbide Heziketako heziketa-zikloak eskaintza partzialean irakasteko dirulaguntza eska dezaten dei egiten zaie eta heziketa-ziklo horiek irakasteko baldintzak ezartzen dira.

Ondorioz, honako hau

EBAZTEN DUT:

1. artikulua.– Xedea.

Agindu honen xedea da dirulaguntzen deialdia egitea, 2022-2023 ikasturtean Lanbide Heziketako eskaintza partziala emateko Lanbide Heziketako erdi-mailako eta goi-mailako heziketa-zikloak ematen dituzten Euskal Autonomia Erkidegoko itunpeko ikastetxe pribatuei.

2. artikulua.– Diru-baliabideak.

1.– Heziketa-zikloak 2022-2023 ikasturtean eskaintza partzialaren modalitatean diruz laguntzeko erabiliko diren diru-baliabideak 526.000,00 euro izango dira. Aurrekontu-zuzkidura nahikoa dago Euskal Autonomia Erkidegoko 2022ko ekitaldiko aurrekontu orokorrak onartzen dituen abenduaren 23ko 11/2021 Legeak baimendutako kredituen araber.

2.– Esleitutako zenbateko osoa, 526.000,00 euro, honela banatuko da:

– % 70, 368.200 euro ziklo industrialetarako (II. eranskina).

– % 30, 157.800 euro gizarte-zerbitzuetarako eta beste (II. eranskina).

Aurkeztutako eskabideak dagokion prozeduraren bidez izapidetuko dira deialdiaren xede den laguntza-lerro bakoitzean, eta prozedura horren ebazpenak erabakiko ditu erakunde interesdunek planteatutako gai guztiak.

Laguntza-lerro bakoitzerako adierazitako zuzkidurak alde batera utzi gabe, eskabiderik ez dagoelako edo betekizunak betetzen ez direlako laguntza-lerro horietako batean ezarritako zenbatekoa agortzen ez bada, kreditu-soberakin hori beste laguntza-lerroarentzat ezarritako zenbatekoa handitzeko erabiliko da, betiere azken hori oraindik ebatzi gabe badago.

3. artikulua.– Hartzaileak.

2022-2023 ikasturtean eskaintza partzialeko modalitatean Lanbide Heziketako heziketa-zikloak irakasteko dirulaguntza eskatu ahal izango dute Lanbide Heziketako heziketa-zikloak irakasteko ofizialki baimenduta dauden Euskal Autonomia Erkidegoko itunpeko ikastetxe pribatuen pertsona edo erakunde titularrek.

4. artikulua.– Izapidetze elektronikoa.

1.– Baliabide elektronikoak erabili behar izango dituzte erakunde interesdunek eskaerak, konsultak eta prozedura honetako izapide guztiak egiteko. Izapidetze elektronikoa araututa dago Administrazio Elektronikoari buruzko otsailaren 21eko 21/2012 Dekretuan eta Informatika eta Telekomunikazioetako zuzendariaren 2006ko otsailaren 9ko Ebazpenean; ebazpen horren bidez, Platea E-Administrazioko Plataforma Teknologikoa onartu zen.

2.– Eskabidearekin, justifikazioarekin eta deialdiarekin zerikusia duten gainerako izapideak egiteko jarraibideak Eusko Jaurlaritzaren egoitza elektronikoan egongo dira eskuragarri, honako helbide honetan:

<https://euskadi.eus/zerbitzuak/00508101>

3.– Eskabidearen ondoko izapideak Eusko Jaurlaritzaren egoitza elektronikoaren «Nire Karpeta» atalean egingo dira.

<https://www.euskadi.eus/nirekarpeta/>

5. artikulua.– Eskabideak eta aurkeztu beharreko dokumentazioa.

1.– Eskaerak bitarteko elektronikoen bidez aurkeztuko dira, aipatutako egoitza elektronikoan sartuta. Eskabideak aurkezteko argibideak Eusko Jaurlaritzaren egoitza elektronikoan egongo dira, helbide honetan:

<https://euskadi.eus/zerbitzuak/0050811>

2.– Eskatzaileek nahi duten hizkuntza ofizialean aurkeztu ahal izango dute eskaera, eta berorri atxikitako dokumentazioa. Halaber, pertsona edo erakunde eskatzaileak aukeratzen duen hizkuntza hori erabili ahal izango da prozedura osoan, Euskararen erabilera normalizatzeko 1982ko azaroaren 24ko 10/1982 Oinarrizko Legearen 5.2.a) eta 6.1 artikuluek xedatzen duten moduan.

3.– Eskabideak aurkezteak deialdi honetako oinarriak definitzen dituzten baldintzak espresuki eta formalki onartu direla adierazten du.

4.– Eskaintza partzialaren proposamena ikastetxeko zuzendaritza-taldeak Hezkuntza Saileko Plangintza eta Antolaketa Zuzendaritzan aurkeztu behar du.

5.– Klaustroak heziketa-zikloen eskaintza partziala eta ondoriozko jarduerak ezagutu behar ditu eta proiektu horrek ikastetxearen barne-antolakuntzan izan dezakeen ondorioaren erantzukizuna bere gain hartu behar du. Halaber, proiektua egiteko behar diren neurriak hartzeko eta ikastetxearen Urteko Plangintzan sartzeko konpromisoa hartu beharko da. Ikastetxeak eskabidearekin batera aipatutako plana aurkeztu beharko du.

6.– Eskabidearekin batera nahitaezko dokumentazio hau aurkeztu behar da:

a) Laburpen-fitxa, adierazitako betebeharrak egiaztatzen dituzten erantzukizunpeko adierazpenekin eta ikasturtean garatuko den modulu-eskaintzaren deskribapenarekin (bakar-bakarrik horiek konpetentzia-atalei lotuta ez daudenean). Bertan, oinarritzko argibideak adieraziko dira. «Laburpen-fitxa» inprimaki normalizatuan ezarritako eskemaren arabera egingo da. Inprimaki hau eskuratzeko, jo euskadi.eus helbide elektronikora (ikus I. eranskina)

Moduluak bakar-bakarrik eskatu beharko dira modulu horiek konpetentzia-atalei lotuta ez daudenean.

b) Horrez gain, Eskaintzaren Justifikazioa aurkeztu beharko du euskadi.eus helbidean dagoen «Eskaintzaren Justifikazioa» izeneko formularioak duen eskemari jarraituz (ikus I. eranskina).

6. artikulua.– Eskaerak aurkezteko epea.

Eskabideak aurkezteko epea hilabetekoa izango da, agindu hau Euskal Herriko Agintaritzaren Aldizkarian argitaratu eta hurrengo egunetik hasita.

7. artikulua.– Eskabideetako akatsen zuzenketa.

Dirulaguntzaren eskabidea behar bezala beteta ez badago edo atxiki beharreko dokumentazioa falta dela ikusiz gero, interesdunari eskatuko zaio 10 egun balioduneko epean osatzeko edo beharrezkoak diren dokumentuak aurkezteko. Epe horretan zuzenketa egin ezean, eskaerari uko egin diola ulertuko da.

8. artikulua.– Jarraipena eta ebaluazioa.

1.– Modalitate honetan heziketa-zikloak eskaintza partzialesan irakasteko onartutako baldintzetan gauzatzen dela bermatzeko, Plangintza eta Antolaketa Zuzendaritzak horien jarraipena egingo du Hezkuntza Ikuskaritzaren bidez.

2.– Irakaste-aldian prestakuntza garatzean gorabeherarik egongo balitz heziketa-zikloen eskaintza partziala ematen duten ikastetxeetan, dagokion Ikuskaritzako Lurralde Burutzak txostena igorriko dio Plangintza eta Antolaketa Zuzendaritzari, zuzendaritza horrek behar diren neurriak har ditzan.

9. artikulua.– Datuen babesari buruzko oinarritzko informazioa. Datu pertsonalak tratatu eta «Lanbide heziketarekin lotutako dirulaguntzak» izeneko tratamenduari dagokion jardueran sartuko dira.

Arduraduna: Plangintza eta Antolaketa Zuzendaritza, Hezkuntza saila.

Xedea: Itunpeko ikastetxe pribatuei dirulaguntzak ematea, lanbide-heziketako heziketa-zikloak eskaintza partzialesko modalitatean emateko.

Legitimazioa:

– Tratamendua beharrezkoa da, interes publikoaren aldeko eginkizunen bat betetzeko edo tratamenduaren arduradunari emandako botere publikoak betetzeko jardunean.

– 38/2003 Legea, azaroaren 17koa, Dirulaguntzei buruzko Orokorra.

Hartzaileak:

- Autonomia Erkidegoko beste organo batzuk.
- Ekonomia eta Ogasun Saila.

Eskubideak: eskubidea duzu datuak irispidean izateko, datuak zuzentzeko eta ezerezteko, bai eta informazio gehigarrian adierazitako beste eskubide batzuk ere.

Informazio gehigarria: Datuen babesari buruzko informazio gehigarri eta zehatza kontsulta dezakezu gure webgunean: <https://www.euskadi.eus/informazio-klausulak/web01-sedepd/eu/gardentasuna//047400-cap2-eu.shtml>

Araudia:

– Datuak Babesteko Araudi Orokorra (<https://eur-lex.europa.eu/legal-content/ES/TXT/HTML/?uri=CELEX:32016R0679&from-ES>)

– 3/2018 Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa (<https://www.boe.es/buscar/doc.php?id=BOE-A-2018-16673>).

10. artikulua.– Diruz lagundu daitezkeen jarduerak.

1.– Eskaintza partzialeko modalitatean heziketa-ziklo bat irakasteko dirulaguntza eskatzeko beharrezko baldintza bakarra izango da heziketa-ziklo hori irakasteko baimenduta egotea.

2.– LOE legeak ezarritako heziketa zikloetan bakarrik lagunduko da diruz modalitate hau. Hala-ber, LOGSE legeak ezarritako zikloak diruz lagundu ahal izango dira, ziklo horiek LOE legeak ordezkatu ez dituenean.

3.– 2022-2023 ikasturtean modalitate honen bidez emango diren moduluak edo moduluek, bermatu beharko dute, gutxienez, LOE legearen kompetentzia-atal bat egiaztatzea, baldin eta kompetentzia-atale lotutako modulu bat edo zeharkako moduluak geratzen badira eskaintzeko.

4.– Ikastetxeak eskatutako kompetentzia-atalak irakasteak dakar ikastetxearen konpromisoa 2022-2023 ikasturtean irakasteko kompetentzia-atala egiaztatzeko gainditu behar diren modulu guztiak irakasteko.

5.– Eskaintza partzialeko modalitate hau irakasteko baimenak berekin ekarriko du irakaskuntza horiek beraiek ikasten dituzten ikasleentzat ondorio akademikoak izatea, ziurtapenaren ondorioetarako, Hezkuntza, Unibertsitate eta Ikerketako sailburuaren 2010eko martxoaren 22ko Aginduan ezarritakoaren arabera.

6.– Deialdi honen bidez ez dira diruz lagunduko gutxienez 12 ikasle ez dituzten taldeak.

11. artikulua.– Onuradunen betekizunak.

Ezingo dute deialdiko dirulaguntzarik eskuratu Dirulaguntzei buruzko azaroaren 17ko 38/2003 Lege Orokorraren 13.2 artikuluan aurreikusitako egoeraren batean daudenean, besteak beste:

- Zerga-betebeharrak eta Gizarte Segurantzarekikoak egunean ez izatea.
- Dirulaguntzak itzultzeko betebeharrak egunean ez izatea.
- Dirulaguntza edo laguntza publikoak eskuratzea eragozten dien zehapen penal edo administratiborik ez izatea, edo horretarako legezko debekurik ez izatea.

– Estatuko araudiaren arabera berdintasun-planik ez izatea, 50 langile baino gehiago dituzten enpresentzat, sexu-jazarpena edo sexuan oinarritutako jazarpena prebenitzeko eta borrokatzeko neurriak ezarri izana ez egiaztatzea, emakumeen eta gizonen berdintasunaren arloko Estatuko legeriak ezarritako baldintzetan.

Baldintza horiek bete beharko dira laguntza-eskabidea aurkezten denetik ematen den dirulaguntza likidatzen den arte.

Administrazioak ofizios egiaztatuko du zerga-betebeharrak eta Gizarte Segurantzarekikoak egunean dituela. Hala ere, eskatzaileak berariaz uka dezake baimen hori, eta kasu bakoitzean eskumena duen organoak emandako administrazio-ziurtagiriak aurkeztu beharko ditu.

Gainerako betekizunak erantzukizunpeko adierazpen bidez egiaztatuko dira eta eskabide-inprimakian jasoko dira.

12. artikulua.– Dirulaguntza emateko prozedura.

1.– 2.2 artikuluan ezarritako dirulaguntza lerro bakoitzean, aurkeztutako eskabideak konparatuko dira, haien artean lehentasun-hurrenkera bat ezartzeko, 13. artikuluan aurreikusitako balorazio-irizpideak kontuan hartuta, eta dirulaguntzak 16. artikuluan ahalbidetzen duen zenbaterakoan esleituko dira, balorazio-fasean lortutako puntuazioaren beheranzko ordenari jarraituz, hurrenez hurren esleitutako zuzkidura ekonomikoa agortu arte, hala badagokio.

2.– Agindu honetan ezarritako baldintzak betetzen dituzten eskaera guztien arteko lehiaketa-prozeduraren bidez ebatziko da dirulaguntza ematea.

3.– Balorazio-batzordeak eskaerak aztertuko ditu artikulua honetan adierazitako irizpideen arabera eta puntuak esleituko ditu.

4.– Ondoren, bi zerrenda egingo dira, bat ziklo industrialetarako eta beste bat gizarte-zerbituetarako eta beste. Bi zerrendak egingo dira puntu gehien duenetik puntu gutxien duenera hurrenkeran eta dirulaguntzak hurrenkera horren arabera esleituko dira, eskuragarri dauden aurrekontu-kredituak agortu arte.

5.– Aurkeztutako eskabideak finantzatzeko, lehentasuna izango dute 2020-2021 edo 2021-2022 ikasturtean 3 ikasturteko prestakuntza-plana hasi zuten zikloek. Helburua da ikasleak titulua lortzeko aukera izatea; izan ere, titulua 3 ikasturtean lortzen baita; hori dela eta, ikasturte horietan prestakuntza hasi zutenek izan behar dute lehentasuna.

13. artikulua.– Esleitzeko eta baloratzeko irizpideak.

Eskaerak honako irizpide hauen arabera balioetsiko dira: a) eta b) puntuak baloratzeko datuak ondorengo helbideetatik jasoko dira:

<http://www.lanbide.euskadi.eus/ikerketa-estatistikak/>

<https://www.lanbide.euskadi.eus/estatistika/-/estatistika/lan-egoera-2020ko-abenduan-2017eko-unibertsitate-promozioa/>

a) Eskaera/eskaintza. Eskatutako lanbide-arloak lan-merkatuan duen eskaria eta 2021-2022 ikasturtean izandako matrikula kopurua. Gehienez, 20 puntu.

20 puntu: Matrikulak < eskaria.

10 puntu: Matrikulak = eskaria.

0 puntu: Matrikulak > eskaria.

b) Enplegarritasuna. Eskatutako zikloaren enplegarritasuna. Gehienez, 10 puntu.

10 puntu: % 100.

c) Esperientzia. Ikastetxeak eskaintza partzialeko heziketa-zikloak irakasten izandako ibilbidea. Gehienez, 20 puntu.

5 puntu eskaintza partziala eskaintzen den ikasturteko.

d) Finkatzea. 2021-2022 ikasturtean heziketa-zikloak eskaintza partzialeko modalitatean ematen finkatutako taldeen ehunekoak. Gehienez, 10 puntu.

10 puntu: % 100.

7 puntu: $\% 80 \leq P < \% 100$.

4 puntu: $\% 50 \leq P < \% 80$.

0 puntu: $P < \% 50$.

e) Eraginkortasuna. 2020-2021 ikasturtean KU edo moduluren bat gainditu dutenen ikasleen ehunekoak eta ikasketak utzi dituzten ikasleen ehunekoak. Gehienez, 10 puntu.

10 puntu: % 100

7 puntu: $\% 80 \leq P < \% 100$

4 puntu: $\% 50 \leq P < \% 80$

0 puntu: $P < \% 50$

f) Emakumeen parte-hartzea. 2021-2022 ikasturtean KU edo moduluetan matrikulatutako emakumeen ehunekoak. Gehienez, 10 puntu.

10 puntu: % 100.

g) Euskara: D ereduan eskainitako zikloek, gehienez ere, % 20 gehituko dute puntuazio osoa. Puntuazio osoa aurreko irizpideei dagozkien puntuazioak batuta lortzen da. KU edo moduluren bat D ereduan eskainiz gero, puntuazioa igoko da proportzionalki, alegia, moduluetan eskainitako orduen eta zikloak dituen orduen proportzioan, Lan Prestakuntzari dagozkion orduak kontuan hartu gabe (1.650 ordu).

h) Berdinketarik balego, kontuan hartuko da balorazio-irizpideetan lortutako puntuazioa, 11. artikuluko 5. puntuko hurrenkera jarraituta.

14. artikulua.– Ebaluazio-batzordea.

Dirulaguntzaren eskaera berariaz sortutako ebaluazio-batzorde batek balioetsiko du. Batzordea honako hauek osatuko dute:

– Plangintza eta Antolaketa Zuzendaritzako bi teknikari; batak batzordeburuaren egitekoak beteko ditu, eta bestea idazkari-lanetan arituko da. Lanbide Heziketako Sailburuordetzak izendatuko ditu.

– Hezkuntzako Lurralde Ordezkaritza bakoitzeko Lanbide Heziketako Sailburuordetzak izendatutako pertsona bat, bere lurraldeari atxikitako ikastetxeen eskaintza partzialerako eskaerak dituen.

15. artikulua.– Ebazpena, errekursoak, ebatzi eta jakinarazteko epeak, jakinarazteko era eta publizitate-prozedura.

1.– Deialdian aurkeztutako eskabideak dagokion prozeduraren bidez izapidetuko dira 2.2 artikuluan aurreikusitako laguntza-ildo bakoitzean, eta Plangintza eta Antolaketako zuzendaritari dagokio prozedura hori ebaztea, Balorazio Batzordeak proposatuta.

2.– Esleipen-prozedura bakoitzean egingo den ebazpenean, eskatutako dirulaguntzak eman edo, hala badagokio, ukatu diren zehaztuko da; eman diren kasuetan, erakunde onuradunen izena edo izen soziala eta emandako dirulaguntzaren zenbatekoa adieraziko dira, zenbatekoa urteka banakatuta. Ukatutako eskabideei dagokienez, erakunde eskatzaileen izen soziala eta laguntza zergatik ukatu den adieraziko da.

3.– Aurreko paragrafoan aipatzen den ebazpenak ez du administrazio-bidea agortzen, eta erakunde interesdunek gora jotzeko errekurtoa aurkeztu ahal izango diote Lanbide Heziketako sailburuordeari.

4.– Ebazpena Eusko Jaurlaritzaren egoitza elektronikoaren iragarki-taulan argitaratuko da, eta argitaratu eta hurrengo egunetik aurrera izango ditu ondorioak. Argitalpen hori egiten den egun berean emango zaie horren berri eskaeran gailu elektronikoko bat eta/edo posta elektronikoko helbide bat identifikatu duten interesdunei. Halaber, Euskal Herriko Agintaritzaren Aldizkarian argitaratuko da, jende guztiak horren berri izan dezan.

5.– Prozedura ebazteko eta ebatzitakoa jakinarazteko gehieneko epea 6 hilabetekoa izango da, agindu hau Euskal Herriko Agintaritzaren Aldizkarian argitaratu eta hurrengo egunetik zenbatzen hasita. Epe hori igarota aurreko zenbakian ezarritako argitalpena egin ez bada, dirulaguntzaren eskaera ezetsi egin dela ulertu beharko dute interesdunek, Administrazio Publikoen Administrazio Prozedura Erkidearen urriaren 1eko 39/2015 Legearen 25.1.a) artikuluan ezarritakoaren ondorioetarako.

6.– Agindu honetan aurreikusitako laguntzak erakunde onuradunei emateko eta, hala badagokio, ordaintzeko, ezinbestekoa izango da amaituta egotea itzulketa- edo zehapen-prozedura oro, zehazki, Euskal Autonomia Erkidegoko Administrazio Orokorrak edo haren erakunde autonomoek emandako izaera bereko laguntza edo dirulaguntzengatik hasitakoak eta artean izapidetzen ari direnak. Prozeduraren ondorioz laguntza publikoak jasotzeko desgaitasuna edo itzultzeko betebeharra ezartzen bada, eta hori ez bada egiten ordainketa egiteko borondatezko epean, indargabetu egingo da baldintzapean emandako laguntza, onuradun izateko debekua dakarten egoeretako batean egoteagatik.

16. artikulua.– Dirulaguntzaren zenbatekoa zehaztea.

1.– 2022-2023ko ikasturtean eskaintza partzialean irakatsiko diren heziketa-zikloen finantzaketa, baimendutako konpetentzia-atalen edo moduluen iraupen finkoaren arabera zehaztuko da.

2.– Lanbide Heziketako heziketa-zikloen konpetentzia-atalak eta moduluak 2022-2023ko ikasturtean irakasteko ezarritako gehieneko modulu ekonomikoak honako hauek dira:

– Erdi-mailako eta goi-mailako heziketa-zikloen konpetentzia-atalak eta moduluak: 98 euro/ordua.

– Soldadura eta galdaragintzako erdi-mailako heziketa-zikloaren Giro naturaleko soldadurako eta Babes-giroko soldadurako konpetentzia-atalak: 116,50 euro/ordua.

17.– Diruz lagundu daitezkeen gastuak.

Diruz lagunduko diren gastuak Dirulaguntzei buruzko azaroaren 17ko 38/2003 Legearen 31. artikulua ezarritakoari lotuko zaizkio.

a) Langile-gastuak.

b) Funtzionamendu-gastuak. Funtzionamendu-gastuek ezingo dute gainditu finantzatutako gastuen % 30. Halaber, funtzionamendu-gastu honetatik, bai zuzendaritza, koordinazio, kudeaketa eta administrazio-gastuek eta lokalen alokairuak edo amortizazioak ezingo dute gainditu batera funtzionamendu-gastuen herena.

18. artikulua.– Dirulaguntza ordaintzea.

Dirulaguntzaren ordainketa epe bitan egingo da.

a) Lehenengoa, jaso beharreko diru guztiaren % 45, 21.e) artikuluan aipatutako epea igarotakoan egingo da, dirulaguntzari uko egin ez bazaio.

b) Eta geratzen den zenbatekoaren bigarren ordainketa, % 55a, 2023an egingo da, 22.a eta 22.b artikuluetan adierazitako agiriak aurkeztu eta horiek ebaluatu ondoren.

19. artikulua.– Ez-betetzea eta itzultzeko prozedura.

1.– Laguntzen erakunde onuradunek, nolnahi ere, Euskal Autonomia Erkidegoko aurrekontuen kargurako laguntza publikoak erabiltzeagatik ezarritako arau-hausteen araubidea bete beharko dute, eta, Dirulaguntzei buruzko Lege Orokorraren 37. artikulua aplikatuz, emandako eta jasotako zenbatekoa itzuli beharko dute, baita aplikatzekoak diren legezko interesak ere, berandutze-interesa barne, honako kasu hauetan:

a) Dirulaguntzei buruzko azaroaren 17ko 38/2003 Lege Orokorraren 37. artikulua 1. apartatua edo Dirulaguntzei buruzko Lege Orokorraren Erregelamendua onartzen duen uztailaren 21eko 887/2006 Errege Dekretuaren 91-93 artikuluetan jasotako itzulketa-kausaren bat izatea.

b) Dirulaguntza eragin zuen jarduera ez egitea.

c) Ikastetxeak aurkeztutako azken memorian diruz lagundutako jarduerari egiten zaion jarraipenetik ondorioztatzen bada jarduerak ez dituela lortzen diruz lagundutako proiektuan proposatutako gutxieneko helburuak.

d) Ez betetzea, oro har, azaroaren 11ko 1/1997 Legegintzako Dekretuaren bidez onartutako Euskadiko Ogasun Nagusiaren Antolarauei buruzko Legearen testu bateginaren VI. tituluari, agindu honetan edo dirulaguntza emateko ebazpenean ezarritako betebeharrak.

2.– Itzulketa egiteko, abenduaren 17ko 698/1991 Dekretuan horretarako ezarritako prozedurari jarraituko zaio. Dekretu horren bidez, Euskal Autonomia Erkidegoaren Aurrekontu Orokorren pentzutan ematen diren dirulaguntzen bermeei eta horiek itzultzeari buruzko erregimen orokorra arautzen da, eta horien kudeaketan parte hartzen duten erakunde laguntzaileek bete beharreko baldintzak, erregimena eta eginbeharrak ezartzen dira. Horrez gain, bestelako ekintzak ere egin ahal izango dira. Zenbateko horiek diru-sarrera publikotzat hartuko dira legezko ondorio guztietarako.

20. artikulua.– Ebazpena aldatzea.

Dirulaguntza emateko kontuan hartutako baldintzen aldaketa orok ebazpena aldatzea ekarriko du berekin, dirulaguntza arautzen duen araudian ezarritako moduan, baldin eta, dirulaguntzaren onuradun izateko, dirulaguntzei buruzko araudiak ezarritako gutxieneko baldintzak betetzen badira.

Horretarako, Plangintza eta Antolaketa Zuzendaritzak likidazio-ebazpena emango du eta, han, eman diren dirulaguntzen zenbatekoak doituko dira.

21. artikulua.– Erakunde onuradunen betebeharrak.

a) Erakunde onuradunek xedatutako betebeharrak guztiak bete beharko dituzte: Dirulaguntzei buruzko azaroaren 17ko 38/2003 Lege Orokorraren 14. eta 46. artikulua, eta Euskal Autonomia Erkidegoko Ogasun Nagusiaren Antolarauei buruzko testu bategina onartu zuen azaroaren 11ko 1/1997 Legegintzako Dekretuaren 50.2 artikulua.

b) 2022-2023 ikasturtean finantzatzen den lanbide-heziketako heziketa-zikloen eskaintza partziala ikasturte horretarako Ikastetxearen Urteko Planean sartu beharko da.

c) Ikasketa Burutzak finantzatutako eskaintza partziala abian jartzen dela zaindu eta horretarako jarduerak koordinatu beharko ditu. Lan hori Ikasketa Burutzak berak egingo du edo, bestela, berak eskuordetzen duen irakasleak, modalitate horretako prestakuntza-koordinatzailea izango denak. Hala bada, koordinatzaile horrek, aldiro, eskaintzaren eta jardueren garapenari buruzko informazioa emango dio Ikasketa Burutzari, eta zuzendaritza-taldearen bileretara joan ahal izango da gai horrekin zerikusia duten gaiak aztertzen direnean.

d) Erakunde eskatzaileak ebazpenean kontuan hartu diren inguruabarren edozein aldaketa jakinarazteko konpromisoa hartzen du.

e) Emandako dirulaguntza onartzea. Ildo horretatik, deialdiaren ebazpena jakinarazten den egunaren biharamunetik aurrera, hamabost eguneko epean, erakunde onuradunek esanbidezko ukapena egiten ez badiote eta idatziz horren berri ematen ez badute, dirulaguntza onartzen dutela ulertuko da.

f) Eman den xede jakinerako erabiltzea dirulaguntza.

g) Onuradunek programa, jarduera, inbertsio edo diruz lagun daitezkeen edozein motatako ekintzen finantzaketaren izaera publikoaren publikitate egokia egin beharko dute, Dirulaguntzei buruzko azaroaren 17ko 38/2003 Lege Orokorraren 18.4 artikuluan xedatutako baldintzei jarraikiz.

h) Ekonomia Kontrolerako Bulegoari eta Herri Kontuen Euskal Epaitegiari jakinaraztea eskatzen dieten informazioa, deialdi honen kargurako jasotako dirulaguntzei buruzkoa.

i) Lanbide Heziketako zikloak eskaintza partzian irakasteko baimendutako ikastetxeek dituzten baldintza guztiak ere betetzea.

22. artikulua.– Dirulaguntzaren justifikazioa.

a) Ikastetxe onuradunek azken txosten bat egingo dute, eta bertan, baimendutako eskaintzan aurreikusitako helburuen garapen-maila eta emaitza partzialen berri emango da. Justifikazio hau bitarteko elektronikoen bidez aurkeztu ahal izango da, egoitza elektronikoen «Nire Karpeta» atalean sartuta <http://www.euskadi.eus/nirekarpeta> 2023ko uztailaren 31 baino lehenago.

Justifikazioari buruzko zehaztapenak Eusko Jaurlaritzaren ondorengo egoitza elektronikoa daude: <https://www.euskadi.eus/zerbitzuak/0050811>.

b) Txosten ekonomikoa inprimaki normalizatuan ezarritako eskemaren arabera egin eta «nire karpeta» bide elektronikoen bidez bidali beharko da. Inprimaki hau eskuragarri dago [euskadi.eus](http://www.euskadi.eus) orrialdean. Txostenak ondorengo agiriak izan behar ditu: gastu guztien zerrenda exhaustiboa, kapituluak eta kontzeptuak kontuan hartuta ordenatuta, fakturen zerrenda kronologikoki antolatuta eta beste edozein frogagiri, betiere lege onartuta badaude eta emandako dirulaguntzari

badagozkio. Eranskin horrekin batera, fakturak eta horien egiaztagiria aurkeztuko dira, euskarri elektronikoan, edo kopia digitalizatuak Dirulaguntzei buruzko Lege Orokorraren 30. artikuluan xedatutako baldintzei jarraikiz.

Dirulaguntzaz gain, finantzaketaz ere baliatu badira jarduerak bai baliabide propioez bai bestelako dirulaguntzez edo baliabideez, justifikazio horretan, egiaztatu beharko da zenbatekoa, haren jatorria eta funts horiek diruz lagundutako jardueretarako erabili direla.

Ikastetxeek txostena bitarteko elektronikoaren bidez 2023ko uztailaren 31 baino lehenago aurkeztuko dute ondorengo helbidean: <http://www.euskadi.eus/nirekarpeta>

Justifikazioari buruzko zehaztapenak Eusko Jaurlaritzaren egoitza elektroniko honetan xehatzen dira: <https://euskadi.eus/zerbitzuak/0050811>

Agindu honen bidez deitutako laguntzen erakunde onuradunek betebeharrak hauek izango dituzte:

a) Jasotako funtsen erabileraren egiaztagiria gorde beharko dituzte, egiaztatu eta kontrola daitezkeen bitartean.

b) Deialdi honen bidez diruz lagundutako prestakuntza-ekintzek guztiz doakoak direla parte-har-tzaileentzat bermatu behar dute.

23. artikulua.– Beste dirulaguntza edo laguntza batzuekiko bateragarritasuna.

Deialdi honetan aurreikusitako dirulaguntzak bateragarriak dira beste instituzio publiko eta pribatuen batek helburu bererako ematen dituenekin, baldin eta gainfinantzaketarik gertatzen ez bada. Beste dirulaguntza edo laguntza batzuk jasoz gero, horren berri eman beharko da. Izan ere, gainfinantzaketarik gertatuz gero, dirulaguntzaren zenbatekoa murriztu egingo da, behar den gehieneko mugaraino.

AZKEN XEDAPENETAKO LEHENENGOA

Agindu honetan aipatzen diren dirulaguntzak honako hauetan xedatutakoaren mende daude: urriaren 1eko 39/2015 Legea, Sektore Publikoaren Araubide Juridikoarena; azaroaren 11ko 1/1997 Legegintzako Dekretuak onartutako Euskal Autonomia Erkidegoko Ogasun Nagusiaren Antolarauei buruzko legearen testu bateginaren VI. titulua eta VII. tituluaren III. kapitulua; Dirulaguntzei buruzko 38/2003 Lege orokorrean jasotako oinarritzko erregulazioa, eta azken horren erregelamendua onartzen duen 887/2006 Errege Dekretua.

AZKEN XEDAPENETAKO BIGARRENA

Agindu honen aurka, aukerako berraztertze errekurtsoa jarri ahal izango zaio Hezkuntzako sailburuari, hilabeteko epean. Halaber, administrazioarekiko auzi-errekurtsoa aurkeztu ahal izango da, EAEko Justizia Auzitegi Nagusian, bi hileko epean. Epe bi horiek agindu hau EHAA-n argitaratu eta hurrengo egunean hasiko dira.

AZKEN XEDAPENETAKO HIRUGARRENA

Agindu hau EHAA-n argitaratu eta hurrengo egunean jarriko da indarrean.

Vitoria-Gasteiz, 2022ko apirilaren 13a.

Hezkuntzako sailburua,
JOKIN BILDARRATZ SORRON.

2022ko apirilaren 29a, ostirala

Inprimatu

**ERANSKINA I****Dokumentuen ereduak****LABURPEN-FITXA**

LANBIDE HEZIKETAKO HEZIKETA-ZIKLOAK ESKAINTZA PARTZIALEAN IRAKASTEKO DIRULAGUNTZA
2022-2023 IKASTURTEA

Eskatutako heziketa eskaintza:

Araua	Maila		Lanbide-arloa	Heziketa zikloa	Irakatsiko den lanbide-modulua, eskatutako KURa lotutakoa	Eskatutako kompetentzia-arloa	Lanbide-modulua, KURa lotugabea	Iraupena	Ikasle-kopurua	Aurrekontua		
	(Erdikoa/G oikoa)									Langileak	Funtzionamendua	Guztira
LOGSE/LOE												

2022ko apirilaren 29a, ostirala

ERANTZUKIZUNPEKO ADIERAZPENAK

Bateragarritasun-adierazpenak

Aitortzen dut:

- Ikastetxeak heziketa-ziklo hori irakasteko baimena daukala.
- Klaustroak heziketa-zikloen eskaintza partziala eta ondoriozko jarduerak ezagutzen dituela eta proiektu horrek ikastetxearen barne-antolakuntzan izan dezakeen ondorioaren erantzukizuna bere gain haren duela. Halaber, proiektua egiteko behar diren neurriak hartzeko eta ikastetxearen Urteko Plangintzan sartzeko konpromisoa hartzen duela.
- Ordezkaritza Organo Gorena eskabidearekin bat datorrela. Halaber, aurkeztutako eskaintza ezagutzen eta onartzen duela eta proiektua egiteko behar diren neurriak hartzeko eta ikastetxearen Urteko Plangintzan sartzeko konpromisoa hartzen duela, onartzen bada.
- Benetakoak direla eskabide honetan eta erantsitako dokumentuetan jasotako datuak.
- Entitate eskatzaileak azaroaren 17ko 38/2003 Legearen 13.2 artikuluko baldintzak betetzen dituela, besteak beste:
 - Dirulaguntzak itzultzeko betebeharrak egunean izatea.
 - Dirulaguntza edo laguntza publikoak eskuratzea eragozten dien zehapen penal edo administratiborik ez izatea, edo horretarako legezko debekurik ez izatea.
- Estatuko araudiaren araberako berdintasun-plan bat indarrean izatea, eta 50 langiletik gorako enpresen kasuan, sexu-jazarpena edo sexuan oinarritutako jazarpena prebenitzeko eta hori aurrera egiteko neurriak ezarri izana egiaztatzea, emakumeen eta gizonen berdintasunaren arloko Estatuko legeriak ezarritako baldintzetan.
- Entitate eskatzaileak baimena ematen diola Plangintza eta Antolaketako Zuzendaritzari beste erakunde publiko batzuetan egiazta dezan aurkeztutako dokumentuak egiazkoak direla.

Organo instrukzio-egileak ofizioz egiaztatzeak

Araudi aplikagarriarekin bat etorritik, prozedura honen organo instrukzio-egileak datu hauek egiaztatuko ditu administrazio eskudunean:

- Zerga-betebeharrak egunean izatearen datuak (EAEko foru-aldundiak edo Estatuko zerga Agentzia)
- Gizarte Segurantzarekiko betebeharrak egunean izatearen datuak (Gizarte Segurantzaren Diruzaintza Nagusia - GSDN).
- EZ DUT ONARTZEN prozedura honen organo instrukzio-egileak ofizioz egiaztapenak egitea (39/2015 Legearen 28. art.)

Oharra: onartu ezean, prozeduran eskatutako agiri guztiak aurkeztu beharko dira.

(Tokia)

(Data)

(Titularraren sinadura elektronikoa)

2022ko apirilaren 29a, ostirala

1. Eskaintzaren arrazoiak: Konpetentzia unitate edo modulu horiek eskaintzeko arrazoiak				
2. Eskaintza partzialeko bilakaera ikastetxean				
2.1. 2020-2021, 2021-2022 ikasturteetan emandako konpetentzia-unitateak eta moduluak, zein ziklokoak diren adieraziz				
2.2. 2021-2022 ikasturtean eskatutako talde kopurua eta finkatutako talde kopurua.				
2.3. 2020-2021 ikasturtean KU edo modulu bakoitzean matrikulatutako ikasle kopurua, gainditu duten eta ikasketak utzi dituzten ikasleen ehunekoak.				
2.4. 2021-2022 ikasturtean KU edo moduluetan matrikulatutako emakumeen ehunekoak.				
2.5 2022-2023 ikasturtean euskaraz eskaini nahi diren zikloak, KUak eta moduluak.				
3. Prestakuntza-plana: Eskatutako zikloari dagozkion konpetentzia-atalen eta moduluen denbora-eskema (ikasturtez ikasturte)				
Heziketa zikloa:				
Konpetentzia-unitatea	Modulua	Ikasturtea		
		2020-2021	2021-2022	2022-2023
		<input type="checkbox"/>	<input type="checkbox"/>	<input type="checkbox"/>
4. Beste ohar batzuk				

2022ko apirilaren 29a, ostirala

TXOSTEN EKONOMIKOA
EGINDAKO GASTUEN LABURPENA
2022-2023 IKASTURTEA

Pertsonal-gastuak							
	Mota	Zenbakia	Data	Igorlea	Kontzeptua	Zenbatekoa guztira (€)	Emandako zenbatekoa (€)
1							
Pertsonal-gastuak guztira							

Funtzionamendu-gastuak							
	Mota	Zenbakia	Data	Igorlea	Kontzeptua	Zenbatekoa guztira (€)	Emandako zenbatekoa (€)
1							
Funtzionamendu-gastuak guztira							

Ohar argigarriak

Egiaztagirien zerrenda sailkatzerakoan honako datu hauek azaldu behar dira:

- Mota: agiria faktura, nomina, TC1, TC2, KLA edo LIZ den zehaztu. Kooperatiba edo pertsona fisikoa bada, dokumentu baliokideak.
- Zenbakia: egiaztatzea faktura bada, duen zenbakia edo, kasua bada, bere seriea ala kodea.
- Data: fakturaren jaulkitze data. Nomina bada, zein hilabeteri dagokion.
- Igorlea: fakturaren jaulkitzailearen izen-abizenak edo sozietate izendapena. Nomina bada, langilearen izen-abizenak.
- Zenbatekoa guztira: zehaztu fakturaren edo nominaren zenbateko osoa.
- Esleitutako zenbatekoa: zehaztu guztizko zenbateko horretatik zer zenbateko egozten zaion dagokion kontzeptuari.
- Guztira: guztizko zenbatekoa kalkulatzeko, kontzeptu bakoitzeko fakturen eta nominen bidez justifikatutako guztia batuko da.

2022ko apirilaren 29a, ostirala

AZKEN TXOSTENA

Ikasturtea	Ikastetxearen kodea	Ikastetxearen izena	Arduraduna	Kargua	Telefonia	E-maila

Modulu bakoitzeko taula bat bete:

Lanbide arloa:		Heziketa zikloa:		Eredua (A/D):	
Heziketa modulua:		Kompetentzia-unitatea:		Araua (LOE/LOGSE):	
Matrikulatuak		Uzteak		Gai direnak	
				Gai diren %a (*)	
Hasteko eguna	Bukatzeo eguna	Astearen eguna	Sartzeo ordua	Ateratzeo ordua	Irakaslea
					Espezialitatea

(*) Gai direnen portzentajea kalkulatzeko, matrikulazioaren guztizkoa kontuan hartuko da.

2022ko apirilaren 29a, ostirala

1. Eskaintzaren testuinguruaren ezaugarri orokorrak eta bereziak**2. Eskaintzaren helburuen lorpena**

2.1. Hasieran proposatutako helburuak.

2.2. Ikastaroa amaitzean lortutako helburuak.

3. Eskaintza garatzean egin diren aldaketak, honako hauei dagokienez

3.1. Metodologia.

3.2. Antolaketa.

3.3. Egutegia.

4. Erabili den ebaluazio-prozesuaren sintesia**5. Ondorioak**

5.1. Eskaintzaren lorpenak.

5.2. Ikastetxean izan duen eragina.

6. Uzte eta suspentsoen arrazoiak**7. Beste ohar batzuk**

2022ko apirilaren 29a, ostirala

II. ERANSKINA

Industria-zikloak

Arloa	Zikloa
Arte grafikoak	Aurreinprimaketa digitala
	Inprimaketa grafikoa
	Argitalpen inprimatuen eta multimedia-argitalpenen diseinua
	Produkzio grafikoaren diseinua eta kudeaketa
Elektrizitatea eta elektronika	Instalazio elektriko eta automatikoak
	Telekomunikazioko -instalazioak
	Sistema elektroteknikoak eta automatizatuak
	Telekomunikazio- eta informatika-sistemak
	Mantentze elektronikoa
	Automatizazioa eta robotika industrial
	Elektromedikuntza klinikoa
Energia eta ura	Energia-eraginkortasuna eta eguzki-energia
	Energia berriztagarriak
Fabrikazio mekanikoa	Mekanizazioa
	Soldadura eta galdaragintza
	Fabrikazio mekanikoko produkzioaren programazioa
	Metalezko eraikuntzak
	Fabrikazio mekanikoko diseinua
Elikagaien industriak	Okintza, gozogintza eta konfiteria
	Elikagaien prozesuak eta kalitatea
Instalatzeko eta mantentze-lanak	Beroa sortzeko instalazioak
	Hozteko eta girotzeko Instalazioak
	Mantentze elektromekanikoa
	Instalazio termikoak eta fluidodunak mantentzea
	Mekatronika industrial
Zurgintza, altzarigintza eta kortxoak	Arotzeria eta altzarigintza
	Instalazioa eta altzari-hornikuntza
	Diseinua eta altzari-hornikuntza
Itsasoa eta arrantza	Ontzi eta itsasontzien makineriaren zainketa eta kontrola
	Ontzi eta itsasontzien makineriaren zainketa antolatzea

2022ko apirilaren 29a, ostirala

Arloa	Zikloa
Kimika	Kimika-instalazioa
	Laborategiko eragiketak
	Ingurumen-kimika
	Analisiak egiteko eta kalitatea kontrolatzeko laborategia
	Kimika industriala
	Farmazia-produktuak, bioteknologikoak eta antzekoak
Ehungintza, jantzigintza eta larrugintza	Patroigintza eta moda
	Jantzigintza eta moda
Garaioa eta ibilgailuen mantentze-lanak	Automozioa
	Karrozeria
	Ibilgailu automobilen elektromekanika
	Makineriaren elektromekanika

Zerbitzuak

Arloa	Zikloa
Jarduera fisikoak eta kirola	Natura inguruneko eta aisialdiko gidaritza
	Gizarte eta kirol-irakaskuntza eta animazioa
	Egokitzapen fisikoa
Administrazioa eta kudeaketa	Administrazio-kudeaketa
	Administrazioa eta finantzak
	Zuzendaritzari laguntza ematea
Nekazaritza	Nekazaritza ekologikoa
	Nekazaritzako eta abeltzaintzako produkzioa
	Lorezaintza eta loregintza
	Natura-ingurunea ustiatzea eta kontserbatzea
	Basoa eta natura-ingurunea kudeatzea
	Paisajismoa eta landa-ingurunea
Merkataritza eta marketina	Merkataritza jarduerak
	Elikagaiak merkaturatzea
	Nazioarteko merkataritza
	Salmenten eta merkataritza-espazioen kudeaketa
	Marketina eta publizitatea
	Garraioa eta logistika

2022ko apirilaren 29a, ostirala

Arloa	Zikloa
Eraikuntza eta obra zibila	Barnealdeetako dekorazioko eta birgaitzeko obrak
	Eraikuntza
	Eraikuntza-proiektuak
	Obra-zibileko proiektuak
	Eraikuntza-obrak antolatzea eta kontrolatzea
Ostalaritza eta turismoa	Sukaldaritza eta gastronomia
	Jatetxe arloko zerbitzuak
	Turismo-ostatuen kudeaketa
	Bidai agentziak eta ospakizunen kudeaketa
	Turismo gidaritza informazioa eta laguntza
	Jatetxe arloko zerbitzuen zuzendaritza
	Sukalde zuzendaritza
Irudi pertsonala	Estetika eta edergintza
	Estetika integrala eta ongizatea
	Ile-apainketa eta -kosmetika
	Ile-apainketako estilismoa eta zuzendaritza
	Irudi pertsonalaren eta korporatiboaren aholkularitza
	Karakterizazio eta makillaje profesionala
Irudia eta soinua	Disc-jockeya bideo- eta soinua
	3D animazioak jokoak eta multimedia elkarreragileak
	Ikus-entzunezko eta ikuskizunen produkzioa
	Ikus entzunezko proiektuen eta ikuskizunen errealizazioa
	Ikus-entzunezkoetarako eta ikuskizunetarako soinua
	Irudia argiztatu hartu eta tratatzea
Informatika eta komunikazioak	Mikroinformatika sistemak eta sareak
	Sareko informatika-sistemen administrazioa
	Plataforma anitzeko aplikazioen garapena
	Web aplikazioen garapena
Instalatzeko eta mantentze-lanak	Arrisku profesionalaren prebentzioa
Itsasoa eta arrantza	Itsasertzeko nabigazioa eta arrantza
	Urpeko eragiketak eta eragiketa hiperbarikoak
	Itsasgarraioa eta alturako arrantza
	Akuikultura

2022ko apirilaren 29a, ostirala

Arloa	Zikloa
Osasungintza	Erizaintzako zaintza osagarriak
	Osasun-larrialdiak
	Farmazia eta parafarmazia
	Dietetika
	Ingurumen-osasuna
	Ortopotesia eta laguntza produktuak
	Anatomia patologikoa eta zitodiagnosia
	Osasun dokumentazioa eta administrazioa
	Ahoaren eta hortzen higieena
	Diagnosi-irudia eta medikuntza nuklearra
	Laborategi kliniko eta biomedikoa
	Erradioterapia eta dosimetria
Segurtasuna eta ingurumena	Ingurumen hezkuntza eta kontrola
	Kimika eta ingurumen osasuna
Gizarte eta kultura zerbitzuak	Mendekotasun-egoeran dauden pertsonei arreta egitea
	Haur hezkuntza
	Gizarteratzea
	Animazio soziokulturala eta turistikoa
	Genero-berdintasuna sustatzea
Ehungintza, jantzigintza eta larrugintza	Neurriko jantziak eta ikuskizunetakoak